

Imigassanik aalakoornartortalinnik nioqquteqarsinnaanermut/ sassaallersinnaanermut akuersissutitut uppersarsaatitullu atsiornernut akiliutit pillugit Namminersornerullutik Oqartussat nalunaarutaat

Imigassanik aalakoornartortalinnik nioqquteqartarneq sassaallertarnerlu pillugit inatsisartut inatsisaanni nr. 11, 11. november 2000-meersumi § 24, imm. 4 malillugu aalajangersarneqarput:

§ 1. Imigassanik aalakoornartortalinnik nioqquteqarsinnaanermut/sassaallersinnaanermut akuersissummik tunineqarnermi 200 kr.-inik Nunatta Karsianut nakkartussanik akiliuteqartoqassaaq.

§ 2. Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaanni § 13, imm. 6 malillugu imigassanik aalakoornartortalinnik nioqquteqarsinnaanermut/sassaallersinnaanermut akuersissummi atuuttumi uppersarsaatitut atsiornermut 100 kr.-inik Nunatta Karsianut nakkartussanik akiliuteqartoqassaaq.

§ 3. Nalunaarut atuutilerpoq ulloq 1. juni 2001.

Imm. 2. Taamaattoorli imigassanik aalakoornartortalinnik nioqquteqarsinnaanermut/sassaallersinnaanermut akuersissutitut uppersarsaatitullu atsiornernit akiliutitaqassanngillat tamanna pillugu qinnuteqaat nalunaarutip atuutilinnginnerani Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaanni § 3, imm. 1 malillugu akuersissuteqartussanut tunniunneqarsimappat.

Namminersornerullutik Oqartussat, ulloq 18. maj 2001

Simon Olsen

/

Jørn Birk Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut